

中國地方志集成

浙江府縣志輯③⑧

光緒定海廳志

民國定海縣志

民國新昌縣志

江蘇古籍出版社 ● 上海書店 ● 巴蜀書社

中國地方志集成
浙江府縣志輯(38)

出版 上海書店

(上海福州路四〇二號)

印刷 上海市印刷七廠

發行 新華書店

上海發行所

定價 二八七元

責任編輯

盧建幸
王海浩

封面設計 范一辛

1993年6月第1版 1993年6月第1次印刷

ISBN7-80569-849-X/K·144

沪新登字119号

重修定海廳志敘

直省各府縣之孤懸海外者有四焉粵之瓊州閩之臺灣
江南之崇明浙江之定海是也瓊與臺灣素稱劇郡物產
饒富以定海較之僅一隅耳然瓊屬之煙瘴臺灣之番夷
不靖人咸患之而定海無異內地也崇明境治與定海埒
其風土民情亦相等然平沙曠衍無險要地以視定海之
枕山面洋於層濤噴湧之間有萬島環拱之勢兼以補陀
洛伽諸勝地爲仙佛所窟宅則山嶽之秀勝於崇明而屯
兵守險碁布星羅外以控制大洋內則屏障海口較崇明
爲尤重故昌國舟山諸志有宋以來纂不一人而我

朝康熙乾隆間兩次脩纂良以海疆巖邑官斯土者所當

定海廳志

卷一 敘

撫集其民人訓練其士卒周知其險阻以備不虞而筆之
於書以示後人也夫乾嘉至今日百餘年矣戶口日繁土
田日闕以及軍伍汎地鹽法財賦之日增日密不可無以
誌之以信今而傳後志之宜脩也亟矣余奉

命視學兩浙之明年按試之甬知廳事史君佳若以所纂
志稿屬余敘弁屬參酌而審定之余維巡試之暇其於地
方民習例得採風問俗以周知其故今觀其書近據康熙
乾隆之舊志遠搜寶慶大德之遺編旁及史鑑各書以資
考證而自乾嘉以後增入者攷之檔冊詢之耆舊必詳必
確不允不遺勒爲成書釐成三十卷體例悉合敘次分明
而其尤善者莫如大事志一卷於斯邑之源流得失歷代

之沿革興廢瞭如指掌余乃嘉史君之兩任斯邑此願竟
償而尤賴人士之參贊而有成然則斯志也眞足信今傳
後哉夫今之視昔猶後之視今吾知斯志之成視康熙乾
隆兩志而加詳而史君以文章飾吏治且與江陰之繆公
武進之莊公後先輝映並垂不朽己光緒六年庚辰秋七
月

欽命工部右侍郎浙江督學使者太和張雲卿課

定海廳志

卷一

敘

二

敘

定海故春秋甬東地唐曰翁山宋曰昌國元升爲州明復爲縣又改爲所繼而復舊土人則以舟山呼之

本朝康熙間改舊定海縣曰鎮海而以定海名舟山道光間又升縣爲廳始徑達監司不屬甯波府治其地懸居海外有秀岱蘭劍金塘五山環繞左右洵四明之門戶兩浙之藩籬也初爲盜賊逋逃藪官不甚過問自宋高宗避金航海嘗駐蹕於此遂爲重鎮前明中葉巨盜勾結倭人出沒劫掠間閭病之久而後定及其國亡後餘孽竊踞通臣稽戮至康熙十餘年始次第削平迨道光辛丑英夷一再入寇陷城兵力未之能及迫議款而後來歸於是內增陸

定海廳志

卷一

敘

一

營外設城堡故粵逆之亂浙境幾失八九而賊氛渡海闖伺定城屹然獨存且官軍由此而進恢復浙東各郡以一隅之地爲大海砥柱爲全省樞紐其關繫不綦重與然非我

聖朝累治重熙

德洋威讐豈能亂而復治失而復得俾居其地者獲衽席之安享魚鹽之利若此此尤脩志之舉不容少緩者也志昉於有宋紹熙寶慶我

朝則一創於康熙之繆大令燧再續於乾隆之莊大令綸渭迄今又百餘年矣况當兵後文卷冊籍遺文軼事懼多放失不全故搜輯尤亟前陽湖史君佳若再蒞是邦以繆

莊二君皆鄉先達願有以繼之乃延請一二名宿重脩廳

志事增於舊文簡於前共得三十卷會史君去任未及朞行而漢陽陳君子固承其後恐書中不無舛漏復以示余俾爲之敘余老矣又病憊未暇詳觀而轉屬黃孝廉以周黃故家舟山且志之脩也曾與聞而未逮竣事旣爲之博考羣籍凡意有未安者無不一一標出之余因舉以復陳君庶幾重加參訂盡美盡善而後授之梓人焉光緒八年秋八月二品頂戴鹽運使銜浙江候補道無錫秦細業敘

定海廳志

卷一

敘

二

敘

事有前人爲之後人踵之勿替前人之書以垂後人之鑑者雖才力不逮而抱遺訂墜之功所不敢自諉也定海志乘一書躬於宋紹興間邑令王阮厥後有馮福京之大德志陶恭之正德志陶積之隆慶志何汝賓之天啟志而代遠年湮書缺有間略而弗傳者多矣明季置昌國衛用武之地也軍書旁午文教失宣伏莽之區典章散軼

國朝康熙間始設縣治以屏蔽寧郡而保障浙東其時江陰繆公燧來任縣事迺探討遺文兼資故實纂定海縣志八卷乾隆間武進莊公綸渭涖任又掇拾藝文爲定海續志一冊得二公經畫周詳蔚然遂臻美備余竊慕繆公之

定海廳志

卷一

敘

有以開其先莊公之善承其後也迄道光年間兩遭夷患旋就撫議以海疆巖邑重其權始不隸於郡而以直隸廳同知領之遂爲防禦之要衝而規模益敞同治乙丑余攝廳事甫下車求繆莊二公舊志其留貽者碩果僅存慨然以纂輯爲已事未幾改任去不果光緒丙子重涖是邦謹伸夙志賴紳耆協力詢謀僉同始獲籌集經費延致名宿旁羅載籍鉤稽文牘並采大德四明寶慶延祐諸志要仍繆莊二公之舊而補掇其闕略考證其得失條列其異同以丁丑仲秋設局纂脩三閱寒暑而告藏臆成書固若此之難也竊維定海志自

國朝以來迄今凡三脩繆志成後幾六十年莊公繼之莊

志成後又百餘年而致馴實續脩之繆莊二公居同郡仕同官後先輝映政聲翕然赫赫若前日致馴以菲材繼其武厯官行政不克媲美前賢蓋自量已審卽是編之成其所謂輕重詳略之宜審擇取舍之權衡未知有當於繆莊二公之旨與否顧以鄉先達之遺緒及今踵而行之亦事會時勢之適然有出於不自知者惟疊經兵燹文獻無徵抱殘守缺僅能成編後有作者尙進而裁之幸甚幸甚光緒六年歲次庚辰

諸授通議大夫三品銜候選道知定海直隸廳事陽湖史

致馴譔

定海廳志

卷一

敘

敘

今之舟山春秋時之甬東地也。舛縣於唐升州於元其間廢置併省不一要未有不以舟山爲重鎮也。其地雄踞海外椒山環峙羣港四達自古稱爲天險。明初從湯和議廢縣置所徙民入內當時臣民咸以爲不然後世亦不能以信國之賢爲之曲諱我

聖祖仁皇帝一統寰宇底定四海鑒明代之失策重建縣錫以今名

宣宗成皇帝又升縣爲廳以重其權此

天錫之智

廟畧之全卓踳於前古昭著於方策者也。元明舊志大半

定海廳志

卷一 敘

散佚

國朝康熙間所脩縣志經周公聖化繆公燧兩賢令相繼成書於田賦軍政學校選舉諸大典載之悉備而遺黎休養之難荒田墾闢之苦以暨山海險阻之要言之尤詳前任知廳事史君致馴又延邑中諸名士重修廳志首紀皇言次以圖表傳志畧圖列爲三表列爲四傳列爲五志分爲十有二略分爲二體裁之善有過前志而勝國徙內之失我朝復縣之得又歷載前人章奏議論以明定海重地有關浙東諸郡猶前志也。嘗讀顧炎武郡國利病書顧祖禹方輿紀要並以明太祖增設衛所爲善湯信國廢徙縣民爲非胡宗憲論舟山五穀之饒魚鹽之利可以食數

萬衆不待取給於外必脩復舊縣而後可。楊鶴論舟山仍宜復縣以固浙東之藩籬唐順之論江南控扼在崇明浙東控扼在舟山天設此險以蔽江浙門戶二顧之書皆歷引之則舊新志拳拳於此者非邑人之私言也。亦非守茲土者無所見於此而錄之方志也。今史司馬去矣志稿具在僕承其後將授諸手民因念舟山之險要關係數郡與他縣之形勝有別其志之恭紀

聖朝復城社養兵民崇疆吏之職嚴烽埃之守文敷武功超越往古亦與他縣志紀載一方沿革無大利病者不同迺復以藁就正於秦觀察澹如先生參訂成書遂梓而行之時在光緒八年元戡敦梓之歲知廳事蘄水陳恩受敘

定海廳志

卷一 敘

二

叙

事有莫爲之前雖美勿彰莫爲之後雖盛勿傳若定海今之所謂舟山者孤懸邊海屹若長城既川嶽以交輝復仙源之近接其與江南之崇明粵東之瓊州閩省之台灣美盛並傳形同事俱物產魚鹽之利山成舟楫之形靈秀獨鍾設險有備攬物華於天寶旣庶復殷占人傑於地靈洵美且好誠四明之勝地兩浙之雄藩過是地者莫不豔羨稱之此間人情風土源流得失歷經古今前任纂成志帙雖簡編所載未及周詳然地以人傳典章具在一自劫灰之屢見遂令散軼以難修繼述之端責無旁貸斯山四面濱海撫治維艱外夷生窺伺之心內患有結連之慮雖關

定海廳志

卷一

鍵可守究非耳目所能周閱自元明以迄於今其間由縣升州由州升廳嗣後又復廳爲縣道光間又升爲廳歷數世之相傳而更張迭事良以定海古稱劇郡允宜重以事權故不得不爲之審量於其際也官斯土者苟無德化以及之欲使鴟風可革龙吠無驚知必有難乎其爲者已前明倭夷迭犯道光英夷入寇咸豐復有粵匪之亂其中得失相因幾經蹂躪幸賴我

朝福威遠庇得以轉危爲安保全不失者匪獨定海之福實亦全浙之福也乙酉春正前任陳君因病出缺廳事虛懸藩得以謬膺斯篆二月初十奉檄冒險蒞任正值法夷撲犯鎮口當經 提憲歐陽軍門先法制之復又指揮所

部相機痛擊洞中法輪自是法夷膽寒志不得進以是停輪於所屬之金塘地方離城祇六十里瞬息可通蓋是時法夷勢尙遷延意圖報復雖此地防軍雲集日夕戒嚴而殷富之家仍多遷徙莅任後正當此衝首辦鄉團繼編保甲清釐案牘斯夕無虛迨今夏中法事定防軍漸裁半載之間稍盡厥職質諸衾影可告無慙問管於案牘餘閒旁採風土洞察人情知斯廳志乘一書舊板散失而前任史君迭次集欸修刊未竣解任實缺陳君有志續修亦以資斧不濟防務殷繁無暇及此功虧一簣機阻半途亥豕魯魚未能詳較心竊竊焉傷之今史陳兩君往矣藩得以謬承其後用敢不揣固陋竭力經營思必有以接踵而纂成

定海廳志

卷一

之以補史陳兩君未盡之志第事經數任未克蕆工今始成於一旦不致再託空言是亦守斯土者之大幸也抑亦史陳兩君有以默禱默佑而成之者歟從此人文蔚起簡冊輝煌信後傳今交相勸勉諒亦同志者之所欣羨者耳光緒十一年歲在旂蒙作噩壯月穀旦知定海廳事都昌黃樹藩謹叙

定海廳志凡例

一志以徵實比事屬辭惟取達意而止明代武功朝邑二志以簡得名然簡而遺漏未免太簡是編詳所當詳簡所可簡勿偏執康韓之見

一增改舊志必有依據前人所作原非一成不可易漏者補之誤者正之脩志者責也是編所增改者注明出處或條下案語俾閱志者可以檢校原書互參得失其有字譌文妄無原書可以核正者姑仍其舊以存疑

一前志所載事實掌故祇可增不可削間有文冗義晦略加點竄以歸雅馴非於專輒之見

一地名官名代有沿革當隨各朝所定質直書之庶無牽

定海廳志凡例

混之弊石林葉氏曰今人於官名地名樂取前代名目以為古雅將一代制度疆宇皆溷亂不可曉今纂新志未敢再蹈前轍

一地名有合二字為名者不可摘取一字稱甯波曰甯與甯國甯武無別稱定海曰定與定陶定遠無分臆混實甚又如稱鄞縣為某邑稱知縣為邑侯皆不可為訓雖志錄舊文未能悉改今所新纂未敢沿襲

一兵戎為國之大事例當詳敘始末以為後鑒阮文達公謂地志之書當立大事記意蓋為此康熙志錄嘉靖倭寇及明末魯王事於遺事條內未合志例今將熙甯立縣以來所遭兵寇悉編入大事志中俾覽者觸目警心

亦足為思患預防之助云

一星野之說本無依據即如斗牛女為吳越分星浙江全省之休咎或可占諭州縣焉能析分故載諸省志則可而廳志可不錄也惟北極出地度及日出日入時刻隨地不同此無庸略是編刪星野而為天文表噉此之由一開方計里推表山川繪圖之法也圖不能詳繫之以說說不能顯實之以圖義文互見相輔而行舊志縣境有圖縣治有圖學宮有圖村莊亦各有圖圖實較他志為備惟繪圖之法尚有未諳今纂新志專屬一人明算者徧歷地界得其縱橫廣袤里數縮諸篇幅而以開方行之庶不失古人繪圖之意

定海廳志凡例

一康熙志人物不分子目體例是善今依其例悉按時代為傳其因祖父而附及其子孫因子孫而先敘其祖父者不拘

一列傳取法正史史例有一事足稱者即可入傳其事行多著述富者亦不聞限以篇幅班固撰司馬相如董仲舒賈誼等傳述其賦篇策論揚雄傳且錄其太元法言阮文達公初國史儒林傳體摘其著述之大者以入於傳多至數萬言蓋意在表章不嫌其文之錄也是編間亦有仿其體者

一采訪所收譜牒行狀家傳其中不無溢美之言茲兼詢故老擇其可信者錄之

一 人物寓賢不可牽混康熙志列袁甫於人物附郭維於寓賢均非核實此類悉從更正

一 列女按代爲傳其無事蹟可徵者別爲姓氏錄

一 守節婦女專傳以禮部旌例爲斷間有不合旌例而賢德懿行不可掩沒者亦著於傳

一 生存例不立傳至其事實藝文有關鄉里者誠恐日久遺忘或致湮沒因爲隨事附存以見梗槩

一 職官按代爲表旁行斜上體仿周譜先將歷朝官制及職掌撮敘於前以見因革表分文武各著其籍貫出身及蒞任年月惟是志久不脩中間疊經兵燹檔冊無存不能一一皆備於所不知蓋闕如也

定海廳志 凡例

三

一 志家之載選舉率以進士舉人貢生武選等各分門類又以進士冠首而舉貢以次編於後於是一人之由貢獲舉而成進士者先見進士科分再尋鄉舉時代顛倒殊甚今以年經事緯之法列之爲表庶無是失其由進士舉人出仕者卽於本人名下注明官至某職附監祇錄出仕者捐納虛銜不錄

一 選舉一表先將歷代舉士程式標列於前以明源委有定海人以他籍舉及他縣人以定海籍舉者俱別白書之或通籍後始居茲地子孫因之占籍者於本人祇爲立傳不入表中

一 職官選舉用表年經事緯所以使先後次第不凌亂也

間有年無可稽難取以經緯之法者則歷敘其名於後如在乾隆朝附於乾隆之末 司馬氏三代世表於夏泄在嘉慶朝附於嘉慶之末 而下列敘焉而不縱橫其體蓋亦史氏疑以傳疑之意一山川古蹟曾經先輩題詠采其尤者雙行附注本條之後一切澀體膚詞概不收錄

一 寺觀之建起於釋氏儒者所不道姑依舊志所有者錄之其新創者不入

一 遺文錄其有關掌故及事可爲法戒者至如詩話小說之類概從刪汰

一 吾鄉藏書寥寥所徵實者又少善本引用不無舛誤拾遺訂謬尙有望於後之君子

定海廳志 凡例

四

定海廳志目錄

卷首

皇言紀

卷一 圖一北極出地

卷二 圖二輿地

卷三 圖三營建

卷四 表一天文

卷五 表二建置

卷六 表三職官

卷七 表四選舉

卷八 傳一名宦

定海廳志

卷一 目錄

卷九 傳二上人物

卷十 傳二下人物

卷十一 傳三列女

卷十二 傳四寓賢

卷十三 傳五仙釋

卷十四 志一疆域

卷十五 志二風俗

卷十六 志三上田賦

卷十七 志三下田賦

卷十八 志四學校

卷十九 志五上軍政

卷二十 志五下軍政

卷二十一 志六祀典

卷二十二 志七營建

卷二十三 志八藝文

卷二十四 志九物產

卷二十五 志十祿祥

卷二十六 志十一上雜志

卷二十七 志十一下雜志

卷二十八 志十二大事志

卷二十九 畧一舊志

卷三十 畧二遺文

定海廳志

卷一 目錄

總理	定海廳學教諭	王葆初	附貢生
定海廳學訓導	吳懋祺	王午舉人	
前任嘉興縣訓導	沈有瀾	字梓堂	
教職舉人	曾廷熾	字爾昌	
誥封三品銜	林正成	字感亭	
總脩	人	陳重威	江蘇常州武進縣人
舉人	人	黃以恭	字質庭
舉人大挑二等	黃以周	字元同	
協脩			
定海廳志	重脩職名		
載取知縣舉人	袁行泰	字小枚	
舉人大挑二等	沈震	字雨辰	
副貢	貢生	高振鏞	字柳堂
參校			
恩貢	貢生	錢潤猷	字雲樞
舉人	鍾祖蔭	字小鴻	
廩膳	貢生	周汝翊	字仲香
副貢	貢生	孫貽謀	字燕庭
廩貢	貢生	孫玉瑞	字雪湖
頭銜	采訪		
張高元	鄭其蘭		

東甬	王佐才	張有孚
陳洞	倪九思	倪九和
蒲廬	李肅銘	金燦
慶大	翁鈞聲	苗潤芳
浪皋	徐新銘	
白泉	張瑞年	
馬磧	王稼堂	舒鑑照
少沙	王士珣	張顯哉
沙大	王榮滋	張顯哉
旋岑	陳寶善	章育瑾
定海廳志	王昌科	
重脩職名	陳紀	
紫微	錢松鹿	
河頰	陳忠翰	
子冊	李賢奎	
鹽倉	周錦堂	
山岱	王元恆	
塗長	林鍾崙	
花桃	傳善繼	
橫六	陳楚善	
金塘	方惇明	
大榭	包誼周	
	戴文榮	
	黃以愚	
	黃在中	
	劉孝諧	
	賀景章	
	丁行端	
	王景沂	
	李廷材	
	袁禮中	
	趙玉堂	
	鄒岷水	
	費經傳	
	金品三	
	金鈴	
	胡祖芳	
	俞欽	
	俞存性	
	張爲明	
	周序賓	
	王黼清	
	張念曾	
	徐廷銓	
	嚴配琮	
	陳潞	
	胡宋旦	
	胡汝鴻	
	胡汝翰	

秀山 童義模 童夢齡 厲錫狀

寄居 鄭縣 葉鍾驊 柯錫圭

測算繪圖

林際康 字豫卿 五品銜 直隸候補縣丞

定海廳志

事備職名

三

浙甯鍾經齋刻印

定海廳志卷首

皇言紀

康熙二十六年五月

御書定海山額

賜浙江甯波府定海縣知縣繆燧建

御書樓以供奉之

定海廳志

卷首 皇言紀

知縣周聖化頌并序自昔有虞封山神禹漸海九州奠
 矣三代以降秦皇漢武拓地最廣然窮兵驍民物凋
 耗自古迄今聲教之隆幅員之廣未有如今日者
 皇上聖神文武遠至邇安二十五年從大臣請開復升
 山於是疆蛟龍之窟府虎豹之居闢萊抽棘之民從仁
 人而歸者如市
 帝曰吁哉溥彼周流不知所屆于其維之於是錫名曰
 定海龍以
 宸章署以銀榜遣侍衛之親臣蒞波濤之巖邑自撫臣
 鎮臣而下大小臣工莫不岱仰嵩呼惟若私榮也小臣
 一

聖化稽首再拜而作頌曰高山天作日出之隅環彼溟
 渤蛟蜃所居弗封弗濟悉委膏腴
 帝勤遠畧荒以康之以舞以歌隸我車書緬昔東甬
 句踐墟秦弗與以康之以舞以歌隸我車書緬昔東甬
 或播負此扶輿不知德薄罪其險且東南之軸會於尾
 閭造化呼吸潮沙斯歸王者一體天地為家彼海外國
 爪髮匪餘元龜象齒內府是須阻截其道底貢安如平
 平蕩蕩無貳無虞苟畏反側何地無之諸臣是請
 天子曰俞厥名易盪予其奠諸王言方吐海若奔趨召
 誠波臣曰汝天笑
 聖人垂裳重譯四馳扶桑朝鮮卿尾舳舻為息狂瀾不
 將斬汝波臣震疊曰敢少渝
 寄藻龍顏百神前驅景星少渝
 莫支無民登仙嶠吏入水壺燭爾賦徭樂爾佃漁荒則
 傑傑無則臚臚非無臚今此則除祥風慧日豐爾菑
 畬非無不若今此則往高峙神鼎照此魅魍非無洪濤
 今此則夷檣帆如馬艦如閭閻非無奸宄今此則孚芝
 生橫島琛出恩廕荒區遼瀾恩波湛如惟茲國族永歌
 唐虞聖化作頌對揚休
 謨於萬斯年莫此海隅

三十五年四月

御書金剛經二函

賜普陀山普濟法雨兩寺

三十八年三月

御書金剛經二卷

賜普陀山普濟法雨兩寺

御題普濟羣靈額

賜普濟禪寺今供奉本寺大士殿

知縣繆燦

御題普濟羣靈額頌漢晉以來二氏之學並行於世而佛較盛於老然非之者隘媚之者愚惟至人能兼包迭

皇上神靈天縱優入聖域其暇泛覽流觀謂釋氏之慈即吾儒之仁其悲憫提度與博施濟衆無異大矣哉如

賜金勒建前後兩寺寶龍眷渥輝寶山川改賜今名外

定海廳志

卷首

皇言紀

二

御題普濟羣靈額大士殿戶樞泰宰斯地恭逢盛典既為住僧喜慶忭舞竊伏而思之仰惟

帝德之宏王言之大有不第為茲上茲山起見者蓋自二帝三王

以來取世之有懷柔百神及河嶠嶽然則自天而下自地

之赫濯至幽明一以貫之者類盡於羣靈而道全於普

濟盡千聖之心為心其福民之護國當何如苟斤斤焉僅從茲

天子起見則將隘視聖人之言而淺測聖人之心可乎茲

山起見則將隘視聖人之言而淺測聖人之心可乎茲

臣地者覽斯志亦共瞻仰

沐浴於無疆之化澤云耳

御題天花法雨額

賜法雨禪寺今供奉本寺大殿

賜普陀山潮音梵音兩洞

御書修持淨業皓月禪心兩額又

御書帝啟此苗幕從與衛於瑯琊之間為泉石之樂恨不

接遊跼也滌天下佳山水且少過客諒稱高懷正恐賜環

在近不能少彼留也帝再啟夏六月臨五十七字

賜普濟法雨兩寺住持明志性統今勒石於普陀山前後

兩寺

御書所向無前額

賜定海鎮總兵藍理今奉懸於總鎮署

四十二年二月

御書心經一卷又

御書大圓通殿獅子窟壽峯三額

定海廳志

卷首

皇言紀

三

賜住持心明

四十二年十二月

御製補陀羅迦山普濟禪寺碑文曰稽考梵書補陀羅迦

山有三一居厄納忒黑一居忒白忒一居南海即是山也

本山誌書未得其詳當年海寇猖狂凡禁海之外寺宇梵

刹皆為灰燼自康熙二十二年蕩平臺灣海波永息故遊

方衲子因舊基址斬蓬蒿刈藜藿而更新焉朕時巡浙西

特遣專官虔修淨供敬書題額永鎮山門復發帑金重修

寺宇務俾殿堂廡牖丹碧華煜焚煥煥美而一木一石悉

出公家一夫一役不煩民力上為慈闈延禧下為蒼生錫祉也朕自弱齡誦讀經史以修齊

治平爲本未暇覽金經貝葉空寂泡影之文所以不能窺其堂奧概而言之元者善之長也佛者以善爲本推而擴之大約無二上天好生化育萬彙大士慈悲度盡衆生亦無二也朕求治勤民四十餘載矣今者兵革已銷而民生未臻康阜梗頑雖化而民情未盡純良皆因水旱靡常豐歉各異此朕寤寐孳孳不能釋也以大士之力庶幾慈雲法雨甘露祥風使歲稔人安萬民仁壽則普濟之鴻功卽時雍之上理是朕之心也夫爰書翰簡勒諸穹碑垂示無盡云今勒石供奉於普濟寺

萬壽亭

御製南海補陀法雨寺碑文曰蓋聞圓通妙象般若眞源

定海廳志

卷首 皇言紀

四

開覺路於金繩大地證菩提之慧聞潮音於碧海恆沙誦普度之聲紺殿維新滄波永靜惟茲法雨寺者南海補陀山大士之別院也名山佛國大海慈航青嶂千霄高逼梵天之上洪濤浴日祥開淨土之場一柱如擎震旦指爲名勝三山可接方輿記其神奇值氛祲之震驚致山川之閔寂僧徒雲散佛宇灰飛比者運值昇平慶海波之不作地連溟渤望法界而知歸特頒內府之金重建空王之宅鳩工揆日部屋不勞庀材築基磬鼓弗作珠宮貝闕涵聖水以無邊鼉柱鼉梁覺迷津之可渡坐青蓮之寶像圓滿輪輝藝紫竹於祇林莊嚴色相瞻慈雲之普照錫法雨之嘉名海若效靈天吳護法標霞高建來萬國之梯航彼岸可

登作十方之津筏藉其廣大上以祝

聖母之遐齡假此慈悲下以錫羣黎之多福則旃檀香外盡成仁壽之區水月光中悉是涵濡之澤勒諸貞珉昭示來茲今勒石供奉於法雨寺

萬壽亭

御書宣布聲聞額

賜普濟禪寺今供奉於本寺尊經閣

四十四年四月

御書心經一函心經塔一軸

賜住持心明

御書迪德堂額

定海廳志

卷首 皇言紀

五

賜定海總兵施世驃今奉懸於總鎮署

御書彰信敦禮額

賜定海總兵施世驃今奉懸於總鎮署又宅西書廳奉懸

御題鑑古二字

四十六年

御書偶來松樹下高枕石頭眠山中無曆日寒盡不知年

做黃庭堅二十四字

賜定海知縣繆燧

雍正十二年正月

御製補陀山普濟禪寺碑文曰普陀洛伽山爲觀音大士示見之地歷徵靈應自梁貞明中始立佛寺宋元以來代

有修葺我

皇考聖祖仁皇帝巡幸浙西遣官興建殿宇上爲

皇太后祝禧

御題賜額勒文豐碑以紀其事山靈擁護

聖蹟丕昭朕續紹鴻基於茲十載念茲山爲古聖道場瑞像神光靈異顯著重以

聖祖皇帝宸翰留貽允宜敬謹崇奉爰特發帑金重加脩飾專官往董其役經始於雍正辛亥年九月越雍正癸丑年六月工成朕惟天下名山大川皆扶輿積厚之氣磅礴而融結普陀秀峙海壖迴立於天風紫濤浩沚無際之中尤靈秀所萃聚宜其爲仙眞之所棲息況大士以慈悲濟

定海廳志

卷首

皇言紀

六

物爲心隨聲赴感無所往而不在其示見在一時實無時而不示見神通感應不可思議卽示見與不示見舉可不論也今夫佛法廣大無邊大海包含無際億萬百千里不足以測海之廣而一勺未嘗非海也億萬百千法不足以盡佛之相而一法無往非佛也今以大海視普陀一拳石耳而菩薩見相之場善衆皈依之地泛慈航於彼岸結寶筏於迷津證普渡之慈緣顯宏深之願力珠宮在望香界重新豈不與鷺峯鹿苑均爲淨域之名區也歟用爲斯記鐫諸翠珉以志靈山之勝概御製普陀法雨寺碑文曰法雨寺者普陀山大士之別院也

皇考聖祖仁皇帝既脩建普濟寺上爲

慈聖祝禧復念茲寺爲海氛所震蕩發帑重新俾僧徒得所栖止賜額立碑增輝瀛嶠歷今已數十載宜加崇飾朕特遣專官資內帑庀材鳩工不勞民力香林梵宇丹雘煥然與普濟寺大工同時告竣督臣請稿文勒石以紀夫大士以慈緣普濟度盡衆生爲願朕嘗繹法雨之義爲濟物之普徧者莫如雨當夫慈雲布濩甘露滂沱高下遠近一時霑足凌霄聳壑之喬柯勾萌甲坼之微卉華葩果蕰無不濡被潤澤發榮滋長暢茂條達各遂其性而不自知假使物物而雨之朝朝而漑之將不勝其勤而終不足以徧給惟本大慈悲見大神力周徧一切在在具足所謂天降時雨山川出雲膚寸而合不崇朝而徧乎天下者濟物之功莫大於是神仙實剎緇侶雲集自當有被時雨之化證心印而傳法乳普利生之實用以不負大士隨緣接引之慈恩而副朕宏振宗風護持正覺之至意者朕深有望焉今勒石於

御碑亭

定海廳志

卷首

皇言紀

七

知縣廖燧宸翰總領欽惟定海山之名出自聖主所更定灑翰頒發既以名山旋卽名縣於是建治設官而邑以興復蓋東海中洲必經九重之龍命然後苞桑永固此誠創千古所未有者矣至洛迦之山隸在定邑兩寺重新皆上所大書賜額又撰碑記二道立石殿前俾寶地龍宮得以廣津梁而振鐘鼓亦以昭無外之宏模匪徒啟有生之覺路也況此地鎮臣曾於馳驅蹕蹕時圖額有賜詩章有賜類皆摹勒高懸照耀廳事而

臣疑與雲湛露之恩獲捧華星之字雖屬末吏並叨殊
 榮可不導揚盛美垂示萬年乎敬為哀錄
 宸翰冠諸簡端復拜手稽首而作頌曰於赫我
 皇握元化樞文思超唐文明軼虞執中造傳體道崇儒
 章開寶象允協乾符燭石渠如龍含燭如乘照珠上薄
 兩曜下輝九區在昔御筆體勢各殊未入化境有階可
 踰
 聖由天縱默契法書休暇揮毫墨池遊吳蟠盤虎卧日
 麗雲舒神妙獨臻作此垂模百王俯視何數其餘維茲
 除宇出日之墟瀾翻不靜向委榛蕪白雉方獻長鯨忽
 容謨錫以嘉名其永與諸銀榜特懸畫閣高扶莫不震
 疊巍乎煥乎嘉名其永與諸銀榜特懸畫閣高扶莫不震
 靖安耕鑿乃樂保定爾民有康居環帶三鄉治在富都
 瑞韞藉文武守臣威宣德孚恭逢巡幸負弩前驅或綏
 帝寶雷動嵩呼拜舞捧歸鐫勒撫摹彩流臣署榮映千
 旗飛白難比鏤青乃如亦有花山釋氏所廬靈異著見
 洞壑縈紆聲教四訖向壓憂劬昔齊念切佑此梵孤手
 提法雨濃潤虛枯題額撰記博稽昆虛遠島蕊宮重吐
 定海廳志 卷首 皇言紀 八

宸翰用誌厥初庶傳百代永遵弗渝

定海廳志卷一
圖一

八極山坪圖

定海廳志

卷一

北極出地圖

